

Primanja i dodaci na plaću zaposlenih u Ministarstvu komunikacija i prometa BiH

Osnovna plaća utvrđuje se množenjem osnovice za obračun plaće i pripadajućeg koeficijenta. Platni razredi i koeficijenti definirani su Zakonom o plaćama i naknadama u institucijama Bosne i Hercegovine koji je, sa izmjenama i dopunama, objavljen na internetskoj stranici Ministarstva finansija i trezora BiH (<https://mft.gov.ba/Content/OpenAttachment?id=312a5e47-a402-41f1-ac62-e2d780e1c01c&lang=bs>).

Koeficijent za izabrana i imenovana lica

- ministar - 8,50
- zamjenik ministra - 7,50
- rukovoditelj upravne organizacije - direktor Regulatornog odbora željeznica BiH - 5,51
- šef Kabineta ministra - 4,50
- šef Kabineta zamjenika ministra - 3,55
- savjetnik ministra/zamjenika ministra - 3,55

Koeficijenti za državne službenike

- sekretar Ministarstva - 4,50
- pomoćnik ministra - 4,20
- rukovoditelj Jedinice interne revizije - 3,55
- šef odsjeka - 3,25
- interni revizor - 2,73
- stručni savjetnik - 2,73
- viši stručni saradnik - 2,35
- stručni saradnik - 2,10

Koeficijenti za zaposlenike

- samostalni referent - 1,70
- referent-specijalist SSS - 1,60
- viši referent SSS - 1,40
- referent SSS - 1,29

Koeficijenti dati u pregledu plaća za državne službenike i zaposlenike odnose se na nulti platni razred. Državni službenici i zaposlenici mogu od 1. septembra 2020. godine napredovati unutar platnog razreda u skladu sa Izmenama i dopunama Metodologije za raspoređivanje zaposlenog unutar platnog razreda koja je objavljena na internetskoj stranici Ministarstva finansija i trezora (<https://mft.gov.ba/Content/OpenAttachment?id=461ac1f3-01b0-4520-932e-91e05abeedd4&lang=bs>).

Odlukom Vijeća ministara BiH utvrđena je osnovica za obračun plaće zaposlenim u institucijama Bosne i Hercegovine, a u 2021. godini ona iznosi 475,69 KM. Plaća se uvećava po osnovu radnog staža (dodatak od 0,5% na osnovnu plaću za svaku započetu godinu efektivnog staža, a najviše do 20% od osnovne plaće) i po osnovu posebnih uvjeta radnog

mjesta (složeni informatičko-aplikativni poslovi – do 50% osnovne plaće, vršenje funkcije interne revizije u visini 20% osnovne plaće).

Istovremeno je definirana visina novčane naknade za ishranu tokom rada u iznosu od 6,00 KM za svaki dan proveden na radu za ministra, zamjenika ministra i direktora Regulatornog odbora željeznica BiH, a za ostale državne službenike i zaposlenike naknada za ishranu tokom rada iznosi 8,00 KM.

Odlukom o načinu i postupku ostvarivanja prava zaposlenih u institucijama Bosne i Hercegovine na troškove smještaja, naknadu za odvojeni život i naknadu za privremeno raspoređivanje definirano je da rukovoditelj institucije ima pravo na troškove smještaja, u visini osnovice plaće, a njegovi pomoćnici 400,00 KM na mjesečnom nivou, uz pravo na mjesečnu naknadu za odvojeni život u iznosu od 300,00 KM, a sve pod uvjetom da je njihovo mjesto prebivališta udaljeno od mjesta rada više od 80 km.